


巫山縣誌

280.261
32
1



四川夔州府巫山縣為咨取事遵將^早縣舊誌理合



至冊者
計開

疆界

巫山縣

東之水路至大江編魚溪玖拾里抵巴東界

東之陸路至小橋界嶺捌拾里抵巴東界

東北至九灣子柒拾里抵巴東界

北至石霧溪陸拾里抵大昌界

西北至刀子山柒拾里抵大昌奉節界

西之水路至大江黑石灘捌拾里抵奉節界

西之陸路至哨樓陸拾里抵奉節界

西南至井家山玖拾里抵奉節界

西南至千文巖壹百貳拾里抵建始界

南至暴龍河柒拾里抵建始縣界

東南至左巖堡下深河玖拾里抵巴東界

正南挿建始縣四屯曰指陽屯新化屯馬下屯沱溪屯去建始叁
百餘里近巫治止叁肆拾里明嘉靖隆慶間常勾引衛地

戎角刀龍等處洞蠻劫掠南境之民係柯劉二姓君民相率截殺南境稍安

堡

江東堡 治東叁里許

漢坪堡 治東貳拾里

三會堡 治東叁拾里

南睢堡 治西貳拾里

遇渡堡 治西南叁拾里

白炭堡 治南貳拾里

七星堡 治東拾里

左巖堡 治南柒拾里

平南堡 治東南叁拾里

平天堡 治西北肆拾里

馬踏堡 治北叁拾里

水坪堡 治南肆拾里

平龍堡 治南陸拾里

暴龍堡 治南柒拾里

鎮

南岸鎮 治南大江邊半廢

昌坪鎮 治西南伍拾里今廢

培石鎮 治東南陸拾里半廢

安平鎮 治西南拾里今廢

大溪鎮 治西南伍拾里半廢

村

幸家村 治南拾里今廢

跳石村 治東南拾里今廢

青山村 治東南肆拾里今廢

黎家村 治南拾貳里今廢

橫石村 治東貳拾里今廢

龍村 治東捌拾里

泗讓村 治西南伍拾里今廢

趙家村 治南伍拾里今廢

張家村 治東南陸拾里今廢

大昌縣舊城圖今廢

大昌縣疆界四至

東壹百里抵巴東界

東北壹百捌拾里抵房縣界

東南肆拾里抵巫山界

南肆拾里抵巫山界

西南陸拾里抵奉節界

西捌拾里抵大寧界

西北陸拾里抵大寧界

北伍拾里抵大寧界

堡

巴霧堡 治東

竹巴堡 治東

龍洛堡 治南

起陽堡 治東

匡家村 治西南陸拾里今廢

郁家村 治南陸拾里今廢

石頭堡 治東

龍霧堡 治南

龍溪堡 治西

小寨堡 治東

新興堡 治東

官龍堡 治東

洋溪堡 治東

羊耳堡 治西

老鴉堡 治西

下田堡 治西

上田堡 治西

韓家堡 治西

水口堡 治西

當陽堡 治北

兩路堡 治北

金燈堡 治北

星野

翼軫全圖步天歌

翼二十二星大難識上五下五橫着行中間六箇恰似張更有六星

在何處三三相連中畔附五箇黑星翼下頭欲知名字是東
甌

軫四星如張翼相近中夾一箇長沙子左轄右轄附兩星軍門
兩黃近翼是門西四箇土司空門東七星青邱子青邱之下
名器府器府之星三十二已上便是大微宮黃道向上看
取是

分野

天文志翼軫分野照荊州統全楚而為言巫山在翼不在軫

南昴八翼十度巫山在十度杪北斗第二星曰璇主楚巫山在璇末將

入璣之界天市四垣第二星曰楚第四星曰巴第五星曰蜀巫山在四星五星之中須女之下十二國曰楚次二曰秦巫山又在楚秦之間五車中一星曰司空主楚巫山在楚星之微北

建制沿革

禹貢荊州之域周圍夔子國地後入楚左傳云楚敗隕師於蒲騷注云蒲騷在峽州巫山寰宇記云夔之巫山縣楚子熊執所治多熊姓 經有巫山我民分盼姓帝竣後廣韻有我國集歸之巴東今之巫山也括地誌云巫阨在夔州東百里後為南郡邑三國吳制建平阨一統志云巫戰國楚之郡名秦改巫縣屬南郡漢因之晉於此置建平郡隋罷郡改縣曰巫山屬巴東郡唐屬夔州宋元仍舊明因之屬夔州府藝林伐山云巫咸以鴻術而為帝堯師生為上公死為貴神葬於是山因以得名舊傳山形如巫字因為名者非

山川

巫山縣

陽臺山

按古陽臺在治西里許最高之處常有雲氣而北城內亦名陽臺山俱有陽臺舊址存焉

十二峯

治東北岸六峯曰望霞朝雲松密集仙登龍聖泉治東南岸三峯曰飛鳳翠屏聚鶴深隱三峯曰淨壇起雲上昇在南離城隍拾里

驅熊山

治東二里下有石灘四季湍急如熊聲然舊詩云日照乍開金鳳翅雲收高露玉螭頭又名筌簾山

女觀山

治東北四里有石如人形相傳昔有婦人其夫宦蜀登山望夫因化為石

寒山

治東北伍十里垂巖十層絕壁萬丈其高寒荆州記云寒山九坂最為險峻又
名羊耳山

白水山

治東壹百里

馬鬃山

治東陸拾里青山對峙

飛鳥山

治東南陸拾里言山高鳥飛不能越也

鳳凰山

治北叁拾里一名百丈坡

千丈山

治東北壹百里秀異高於衆山

琵琶山

治西南六里以形似得名舊傳東有笙簧山皆樂器名此鄉之婦女頗曉音
律焉

向南山

治南大江邊舊名南陵山

稼鼻山

治東里許形若稼鼻故名一名江東嘴

月明山

治西南叁拾里大江邊每月上是山先得月

大面山

在月明山後

面頭山

治東南玖拾里

七頭山

治西南玖拾里

五鳳山

治東北貳里有秀峯寺基

雲步山

治南壹百貳拾里崔嵬聳秀陰雨時嘗有雲封行者穿雲而登因名

暴風山

治西南壹百叁拾里其山多風故名

馬鞍山

治西南捌拾里以形似得名

整甲山

治西南伍拾里俗傳漢張桓侯整甲之所下有桓侯廟基

米紅山 治東北叁拾里

龜山 治東二里以形似得名

黃金山 治東北肆拾里其地出炭

上寶山 治東北柒拾里其地出炭

石化山 治西南拾里山石如卵其色黝黑朝夕若轉丸畧無止息卒之山形無少虧

下亦無積石

石神山 治東北六十里

梓潼山 治東北陸拾里上有梓潼廟基

豹子山 治東北陸拾里近大江

摹旗山 治東一百里

巖

鳥飛巖 治北與燕子坡相對王十朋詩坡名燕子燕思歸巖曰鳥飛鳥倦飛

焦石巖 治東城外寧河邊

洛門巖 治東北伍里峭壁對峙若門故名大寧河水出其中

鷄子巖 治東拾里

遇渡巖 治西叁拾里大江邊兩峯

野猪巖 治西伍拾里大江之沱峭壁之下有石似猪故名

薛家巖 治西南陸拾里

千文巖 治西南貳百里

坪

黎子坪 治東伍里

何家坪 治東貳拾里居民皆何姓

馮家坪 治東肆拾里居民皆馮姓

趙家坪 治東貳拾里

拜佛坪 治東捌拾里其地出炭

楊柳坪 治東南叁拾里

瑜昌坪 治東南捌拾里

沙羅坪 治西南陸拾里

栗子坪 治南陸拾里

三脚坪 治東南捌拾里

尋雞坪 治東捌拾里

安坪 治南拾里

嵌

龍洞坪 治西南伍拾里峭壁之下擁一石臺約高伍拾餘丈闊亦如之狀若倒懸之蓮蕊辨分明下俯溪流上有小洞出泉甘冽冬溫夏涼恒以水之清濁卜天之晴雨

燕子嵌 治北貳拾餘里多蟄燕故名

龍公嵌 治東叁拾里

龍母嵌 治北叁拾里寧河邊兩岸貳嵌相對

虎坐嵌 治西南四十里

火龍嵌 治北肆拾里

羊子嵌 治南肆拾里

洞

驅熊洞 治東北叁里在五鳳山後

五里洞 治東五里

响水洞 治東拾里

七尺洞 治東南叁拾里昔年水溢伏奇以此為最

石倉洞 治北貳拾里深進數丈

蓮花洞 治東一百里

赤溪洞 治西北貳拾里俗傳明正統土水之變此龍保駕至天順初年賜金字匾額封為赤溪開府護國龍王凡遇天旱祈雨屢驗

朝陽洞 治西北叁拾里深廣叁肆丈以其門朝東故名萬歷年間高僧如意修作梵刹今佛像雖存殿宇盡廢

寶曇洞 治西南壹百叁拾里洞深廣數拾丈內有池水有龍盤異蹟其水冬暖夏涼

寨

石柱寨 治東北陸拾里

琵琶寨 治東北柒拾里

豆子寨 治東北壹百里

牛心寨 治西南陸拾里

石

留石

治西南城外大江邊屹然二石相連水淹其頂則瞿峽難行與灤瀕石相仿
佛舟人以驗水候形家謂即縣治之印星云

聚寶石

治東南城外江邊舊名餓鬼石邑令揚日楚易以今名鑄於是石

跳石

治東南拾里大江邊

刀背石

治東北貳拾里大江邊

橫石

治東北貳拾里大江邊

青石

治東南伍拾里大江邊

培石

治東南陸拾里大江邊

河

大寧河

由大昌遠縣治之東匯于大江舊傳遠至城南則有科甲之應屢驗

瀑龍河

治南壹百貳拾里

丙穴

瀑龍河下有丙穴大溪河復有一丙穴穴前有幾石跳牌夏月魚必由此入潭躍
過者漸入深潭躍不過者咸伏牌下

指陽河

治南叁拾里

三岔河

治東北捌拾里小河中分三岔故名

灘

朽石灘

治南里計

跳石灘

治東南拾里

蓮花灘

治東南貳拾里

小磨灘 治東南叁拾里

大磨灘 治東北叁拾里

香爐灘 治東捌拾里

鏡架灘 治西北里許

烏溪灘 治西北里許

下馬灘 治西北貳拾里

三纜子 治西北叁拾里

磨閣灘 治西北叁拾伍里

虎扒子 治西南肆拾里

乾焦灘 治西肆拾伍里

龍竇灘 治西肆拾捌里

繫枋灘 治西北伍拾里

李拐灘 治西北伍拾伍里

虎鬚子 治西北伍拾陸里杜詩云瞿唐漫天虎鬚怒

金沙灘 治西伍拾伍里今大溪灘是

鐵灘 治西南陸拾里

黑石灘 治西南捌拾里與奉節縣交界灘水夏秋甚險

沱

龍王沱 治西南伍里

安坪沱 治西南拾里

麥沱 治西北里許

皮沸沱 治西南叁拾伍里

指背沱 治西南肆拾里

匡家沱 治西南肆拾伍里

空望沱 治東里許

鍋籠沱 治東里許

南沱 治西南叁拾里

作魚沱 治東叁拾里

沙烏滾 治東南叁拾里暴龍河由此匯入大江

泗滾 治東南伍拾里昔有村鎮今廢

溪

茹溪 治東半里許源出近谷澄冽甘芳四時不竭明邑令張維任題云源潔流芳舊志云聞有患暑病飲之而愈者蔡靈侯魯飲於此見莊辛平臣論

尾窰溪 治東里許

石漕溪 治東里許

白洋路溪 治東叁里

白小湖 在白洋路溪傍杜詩云白小羣分命天然二寸魚細微沾水族風俗當園蔬入肆銀花亂頰箱雪片虛生成猶拾卵盡取義何如

清溪 治東南里許

橫石溪 治東北貳拾里

柏子溪 治東北貳拾里

東坪溪 治東北叁拾里

小子溪 治東南肆拾里大江邊

木瓜溪 治東北捌拾里

鯁魚溪 治東北捌拾伍里巴東縣交界

香溪 治南肆拾里

堰頭溪 治南肆拾里

古水溪 治西南柒拾里

紫烟溪 治西南伍拾里

彈子溪 治東南陸拾里

三分溪 治西南柒拾里

千文溪 治西南壹百貳拾里

雨暘溪 治北貳拾里

大溪 治西南陸拾里古名金沙灘

官家溪 治北貳拾里

水

暖水 治南城外大江邊聚寶石之傍湧泉方廣數尺天愈寒水愈暖隆冬可以盥漱故名

三分水 治東北叁拾里大江邊自山根出分為三派其水俗傳以派之多寡驗年之豐歉上派驗滇南中派驗本省下派驗荆楚水盛則豐水枯則歉云

鴉鵲水 治北叁拾里百丈坡之嶺俗傳古有神鵲引識此水即城內西井之源

石漕水 治東北肆拾里茨竹凹之中

泉

孔子泉 治東城外五十朋集縣有孔子泉泉傍雖童子亦能書

孝感泉 治西門外王文義母墓側四時不竭

婆婆泉 治南拾里南陵山後

池

楚王池 治東北里許其水甘美相傳楚襄王於此處納涼

鴛鴦池 治東北陸拾里二池相併其水交流故名

渡

寧河渡 治東城外

南陵渡 治南大江

峽

巫峽 治東叁拾里與西陵峽歸峽並稱三峽

錯開峽 治西南伍拾里俗傳大禹錯開遇神女授冊始劈三峽

三臺八景 按舊載三臺八景率多附會姑存其名於山川之後

楚陽臺 治北城內

釣魚臺 治南城內

擂鼓臺 治東北城內

澄江秋月 治東北里許空望沱之上俗傳秋月初上時仰天猶未見俯水先見之

青溪漁釣 治東南里許有魚磯

南陵春曉 治南南陵山

女觀貞石 治東北肆里女觀山見山川

夕霞返照 治南大江暮景

秀峰禪刹 治東北里許秀峰寺見仙釋

寧河晚渡 治東北伍里洛門渡見岩類

陽臺暮雨 陽臺見山川

大昌縣山川

聚奎山 治西南叁里

唐帽山 治北伍里形似唐帽久雨生雲則晴久晴生雲則雨

羊耳山 治南三十里雙峯屹立狀如羊耳

天馬山 治北里許形如奔馬

玉屏山 治南伍拾里

石柱山 治南柒里有石笋約高百丈濶叁拾丈上有水池不盈不竭

東高山 治西南叁拾里頂有雲則合邑得雨無雲則雖雨亦不徧及夏秋時覘之
屢驗

刀子山

栗子山

飛鳳山

巖

滴水巖 治北伍里許

梯子巖 治東貳拾里峭壁層疊形如梯子因名

寨子巖 治東北貳拾里層巖深穴民以為居

觀音巖 治東北伍拾里

坪

九水坪 治東壹百貳拾里即九湖坪通湖北房縣界

龍池壩 治南里許景名龍池夜月

嵌

黃金嵌 治東拾伍里寧河由下經過石色如金遂名

砂嵌 治東貳拾里寧河邊高澗幽深內有泉水

洞

白龍洞 治東貳拾里高澗幽深水自洞出色白如銀俗傳有白龍潛於洞中遂
名

鎖龍洞 治西貳拾里

石

獅子石 治南門河邊又名餓鬼石

磨刀石 治西伍拾里其石方正上有磨痕俗傳漢壽亭侯磨刀之所

蓮花石 治東南貳拾里江干石如蓮花遂名

四珠石 治東叁拾里寧河邊石高丈餘俗傳上有寶珠為人竊去尚存四孔故名

河

清缸河 治東叁拾里河邊有石如缸以水注其中觀砂石之多寡驗年歲之豐歉

馬渡河 治東南肆拾里其水難清前明洪武年間進取明身馬騎而渡遂名

後溪河 治東伍拾伍里

灘

祝家灘 新崩灘 老雅灘 麻柳灘 紅石灘

長灘 李家灘 釣鏈灘 苦草灘 上摘耳灘

下摘耳灘 龍珠灘 界岳 青灘 龍王灘 磨閣灘

燒箕灘 周家灘 恒灘 鱖魚灘 洗米灘

洛灘 粗石灘

沱

上烏沱 塔沱 寶盆沱 以上灘沱俱屬寧河遠至城東匯於大江

溪

小子溪 治東貳拾伍里

楊溪 治東拾伍里水通寧河

百渡溪 治東貳拾里與楊溪相通

橋頭溪 治東貳拾里

龍溪 治西肆拾里接大寧河

魚鱗溪 治北捌拾里

蝦蟆溪 治西伍里俗傳有蝦蟆大如升故名

磨刀溪 治西捌里

井

楊柳井 治西拾伍里前明萬歷年間京師梓潼宮火變忽然大雨撲滅朝中異之今天師占云係大昌縣楊柳井龍王所滅遣官

建廟賜金字匾

曰萬化龍王

凉水井 治西拾伍里又名隱泉

池

白水池 治西貳拾伍里俗傳常見一白鶴浴其中水色便白故名

黑龍池 治南叁拾里半山中俗傳天驟風雨忽然龍吟土人視之見一黑龍乘雲而下山遂崩裂積成壹池故名

仙女池 治西南叁拾里俗傳見女子澣衣於此須臾不見故名

千頃池 治西叁拾里波瀾浩渺分爲三道一東流經縣西爲井源壹西流爲雲陽縣陽溪壹南流爲奉節縣西滾水

石柱潭 治南叁拾里岩岫湧出舊傳爲龍漱旱禱即雨

渡

縣前渡 治南城外大亭河

黃臺渡 治東肆拾里寧河邊高百丈水自臺上流下石色俱黃故名

巫山大昌物產

鳥屬

鷺 家鴨 鷄 雉 鳧 烏 鵲 燕 雀 鴟 伯勞 鸛

鴝 鴿 杜鵑 黃鸝 錦鷄 竹鷄 鴛 啄木鳥

獸屬

虎 豹 豺 猴 麋 鹿 麀 麂 野猪 山狍 土猪 茨猪

鱗屬

鱖魚 鮎魚 鱖魚 鯉魚 青魚 白魚 鱖魚 脚魚

鵝魚 蛇魚

蟲屬

密 雀洞間有蠟不堪用 蠟 蚊 蜂 有數種 蜘蛛 蜈蚣 蚯蚓 蟋蟀

馬 蟄 蝦 蟄 蛇

草屬

茅 苕 即車前草 何首烏 葛 薇 即甜蕒 艾 茅 茨 可蓋屋 莎

牽牛 山豆 荆 蓼 萍 藻

木屬

黃楊木出大林中 楊桐 棗水 漆 柞 椒 椿 松柏

梅 杏

竹屬

金竹 慈竹 水竹 箭竹 苦竹

花屬

茉莉花 梔子 金銀 草蘭 雞冠 粉團 芙蓉

香茨 映山紅

果屬

桃李 杏 梨 栗 柿 棗 櫻桃 胡桃 柑 枇杷

石榴 銀杏

瓜屬

白瓜即東瓜 黃瓜 西瓜 南瓜 匏瓜匏即 絲瓜

穀屬

粟穀 黃荳 大麥 小麥 蕎麥 芝麻 菜荳 小荳

豌豆 燕麥 黍 稷

蔬屬

葱 葫蒜即大 韭 茄 菜菔即羅 芹 筍

關梁

羊耳關 大昌羊耳山

大石嶺關 巫山治南建始界

會仙橋 巫山治西

張公橋 巫山治西六里

竹溪橋 巫山治西捌里

仙女橋 巫山治東西山中斷一線相通俗傳為仙女所造故名

長春橋 治西南玖拾里在大溪土人再姓建

永安橋 巫山治東

徐家橋 大昌

廣安橋 大昌

風俗

冠禮罕行婚隨貧富喪祭從家禮民間多惑於釋道巫師見巫山舊志

士慕文學民簡詞訟見巫山通省志

刀耕火種民性淳朴見大昌通省志

史記曰江陵故郢都西連巴巫通鹽魚之貨其民多賈巫山女子皆善吹簫嫁時衆女子治具送之吹簫數日為樂今則久不聞有此風矣豈其離亂之後遂無復太平之盛觀也歟

公署

巫山縣治

明洪武中建成化中重建崇禎七年流賊破城焚燬知縣沈向重建

大堂五楹 堂左架閣庫

堂右承發房 堂下左贊政廳三楹 東西廂吏皂房

各十楹 堂後二堂三楹 內宅三層各三楹 宅東

主簿典史衙舍各三層俱三楹 堂前月臺臺前以德化民牌坊

一座 坊前儀門三楹 東迎賓館二層三楹 又東義倉大門

工即鼓樓 樓東土地祠 樓西獄禁甲戌之後或廢或修難以盡載

明大昌縣治三層各三楹堂左庫右倉前為儀門再前為大門

門上即鼓樓 儀門內左典史宅舍三層今俱廢

康熙貳拾年知縣向登元捐資脩巫大堂三楹堂下六房各三

楹儀門一座內宅三楹左右廂房各三楹儀門內義倉

常平倉各一所社倉一所脩于大昌舊治 典史別鴻嘉捐脩衙舍

一所在縣治之東

城池

巫山縣城池

明正德年中知縣唐書築門四叢秀巫山會仙陽臺萬曆中

知縣趙時鳳重脩其城週築百伍拾柒大高壹丈捌尺堞口叁百

陸拾高伍尺後知縣張惟任因縣多火災更四門之名以鎮之

東曰永清西曰臨江南曰廣濟北曰正源

大昌縣城池

明正德初年知縣董忠色石周貳百丈門三朝陽永豐通濟崇禎八年知縣陳靖之脩濬禦寇明末袁宗第竊據廢為平地今裁併巫山縣

明設

察院 治西北城內學宮之西

川東司 連察院之西

分司 治西北城內城隍廟之西俱廢今係城守衙門及營基

陰陽學

僧會司

道會司

醫學 久廢無考

申明旌善亭

養濟院 在城東茹溪傍今廢

漏澤園 一在城東北一在城東

大昌縣明設

察院

東司

西司

僧會司

道會司

陰陽學

醫學

申明旌善亭

養濟院

學校

巫山縣儒學

治西北元至正中建明洪武六年重建明末甲申年流寇焚燬

康熙二十一年夔州府知府吳美秀同知王人通判王來賓

巫山縣知縣向登元捐資重建

文廟

啓聖祠

東西兩廡

戟門

櫺星門

鄉賢祠

明倫堂

文昌縣儒學

治東南明正統十三年建明末賊亂焚燬今裁併巫山縣

祠祀

神女廟 治東小河邊嶺上即雲華夫人祠也

城隍廟

山川社稷壇

風雲雷雨壇

赤溪龍王廟 事見山川洞類今崩頽

陽臺土主祠

名宦祠

鄉賢祠

忠孝祠

節義祠

褒恤祠 在大昌祀通判王禎

劉公祠 祀巫山知縣劉昇

張公祠 祀巫山知縣張惟任

楊公祠 祀巫山知縣楊日楚

陳公祠 祀巫山知縣陳應試

曹公祠 祀巫山知縣曹 晟

董公祠 祀大昌知縣董 忠

吳公祠 祀大昌知縣吳大章

胡公祠 祀巫山教諭胡世安

厲壇

補坊表於后

攀龍坊 為王崇禮立

攀桂坊 為向智立

蜚英坊 為王彥民立

文魁坊 為向昂立

世顯坊 為王翺立

登雲坊 為楊攷立

起鳳坊 為王鳴鳳立

登瀛坊 為主辰科進士柳英立

附大昌縣

承宜坊 治南

興賢坊

育才坊

青雲黃甲坊 知縣吳大章為進士表輅
舉人黃瑞鄧芳立

賦役

明巫山縣原額稅糧壹千叁百陸拾肆石玖斗柒升伍合零
人丁壹千陸百壹拾貳丁

均徭原編銀玖百捌拾捌兩玖錢內扣除加減抵筭外仍減銀貳
兩叁錢伍分柒厘實編銀玖百捌拾陸兩伍錢肆分玖厘

本朝自康熙六年丈量起至康熙拾貳年止土著民上中下田地共貳頃
肆拾玖畝玖分肆厘共載稅糧陸斗叁升肆合零

人丁一丁柒分肆厘零

共徵丁糧條銀貳兩壹錢肆分柒厘零康熙貳拾壹年逆孽既
平案內丈量土著民上中下田地共貳頃陸拾陸畝叁分壹厘共載

糧壹石貳斗伍合零

人丁一丁肆分零

共徵丁糧條銀肆兩壹錢叁分零二起通共上中下田地伍頃
柒拾肆畝陸分零通共載稅糧貳石壹斗叁升肆合零通共人
丁貳丁伍分貳厘零二起通共徵丁條糧銀柒兩叁錢壹分肆厘
零康熙六年丈量起至十二年止營兵上中下田地共貳頃陸拾
玖畝貳分柒厘零共載糧玖斗捌升捌合零

人丁一丁壹分陸厘零

共徵丁糧條銀叁兩叁錢捌分陸厘零

康熙二十一年逆孽既平案內丈量營兵

上中下田地共壹頃柒拾玖畝壹分叁厘

共載糧捌斗叁升伍合零

人丁玖分捌厘零

共徵丁條糧銀貳兩捌錢陸分叁厘零

二起通共上中下田地共肆頃肆拾捌畝肆分零

通共載稅糧壹石捌斗貳升叁合零

人丁貳丁壹分伍厘零

二起共徵丁糧條銀陸兩貳錢肆分玖厘零

明大昌縣原額稅糧伍百肆拾石玖斗陸合零

均徭原編銀伍百陸拾伍兩壹錢內扣除加增抵算外共加銀肆拾柒

兩伍錢壹分伍厘零實編銀陸百壹拾貳兩陸錢壹分伍厘零

本朝自康熙六年丈量起至十二年止土著民

上中下田地共肆頃貳拾貳畝壹分玖厘零

共載稅糧壹石伍斗陸升捌合零

人丁貳丁捌分零

共徵丁糧條銀陸兩叁錢柒分伍厘零

又舊管下田拾畝每畝應納京斗租穀陸斗共納學租穀京斗陸石

駟傳

早駟

高唐駟

治西城外前明設驛馬叁拾貳匹馬夫拾陸名槁夫壹百貳拾名

國朝截止設水駟

巴中駟治東捌拾里明萬曆初知府請建以甦巴巫民困設駟馬叁拾匹馬夫拾伍名槁夫壹百貳拾名

本朝改設小橋駟設駟馬捌匹馬夫肆名槁夫捌名

水駟

明原設輪船拾貳隻水手貳拾肆名槁夫柒拾貳名

本朝設站船叁隻水手陸名槁夫拾捌名

旱站鋪遞

底鋪東拾里七星鋪貳拾里漢坪鋪叁拾里仙女鋪肆拾里三會

鋪伍拾里得勝鋪陸拾里三溪鋪柒拾里九陣鋪捌拾里小橋駟巴東縣

界底鋪西拾里烏溪鋪貳拾里赤溪鋪叁拾伍里平天鋪伍拾里天池鋪陸

拾里哨樓鋪

奉節縣界今裁去烏溪鋪於天池哨樓中設一鋪

南北無鋪

秩官

巫山知縣

晉

李叔龍 建平太守

劉宗

孫謙 建平太守

宋

黃嗣直 有傳

趙幾 王梅溪有悼趙宰詩

冉徵之 乾道中任見入蜀記

縣尉

文庶幾 見入蜀記

明知縣

許耿

楊泰

嚴昇 繁昌舉人永樂中任祀名宦

范亨

楊安 北直贊皇人由官生任戶部照磨成化間陞平山知縣清之歸囊遂家於平授官田二十四畝坐落平壠官地二十四畝坐落大木樹

邱孟和

龐崇誼 松滋人

邰 易 高安人

蔣 興 廣西灌陽縣人監生

饒 淳

張 隆 直隸人監生

周 慰

祝 簡 舉人祀名宦

劉 進 邵陽舉人

李 鎮

彭 瀛 叙浦監生

陳 銑 江西新建人

唐 書 湖北麻城人舉人正德二年任祀名宦

凌 鶴

方 悅 湖北咸寧人監生嘉靖拾壹年任

王 道 雲南舉人

歐陽來 湖南衡州人

王秉彝 永昌舉人嘉靖十三年任

許萬相 安徽寧國人嘉靖十九年任

劉 昇 湖北監利人舉人

蘇民望 雲南人

桑育賢 永寧人

張澤 安徽桐城人有傳

金永堅 貴州人

姚鏞 湖南巴陵人

桂標 安徽池州人

鍾文印 湖北興國州人

田寶 湖北黃岡人

葉文炳 湖北南漳進士

趙時鳳 貴州新添衛人萬曆丙子年任修城修學

張惟任

王三重

陳應試 政簡刑清廉能最著

鄧天行 廣東樂昌思貢萬曆四十四年任

楊日楚 湖北興國州舉人萬曆四十七年任行取戶部主事

楊葆和 雲南太和舉人天啟三年任

曹成 雲南鶴慶舉人天啟五年任陞山東武定州知州

周道顯 福建莆田思貢崇禎五年任

沈向 江南上元舉人崇禎七年任行取陞四川道御史

劉嘉增 雲南昆明舉人崇禎十五年任

明縣丞

柴肅 洪武四年任

本朝裁

明主簿

張永年

田樾 長陽人

張昇

韓達 陝西監生正德年間任

邰禮 漢陽監生弘治年間任

顧源

王永清 嘉靖元年任

于尚義 嘉靖四年任

陳嘉敬

徐燁 江夏人

趙卿

唐憲 巴陵人

傅綺 巴陵人

胡綵

蔡拱 武昌人

周經 枝江人

潘大濟 昆明人

唐仕舜 賓慶人

張梓 南城人

周恒 山陰人

易廷崑 湘潭人 隆慶六年任

張金燧 雲夢人

王永

陳遠譽

李天元

余有光

張廷官

李發

徐大本 萬曆年間任

徐中裕

陳機

鄭選 萬歷年間任

勞有智 崇禎年間任

李應

本朝裁

明巡檢

劉光祚 崇禎年間任

本朝裁

明典史

陳得良

王安

朱鰲

李韜


李泰

許貞

劉清

羅銓

周彬



劉景榮

文林

胡榮璉

吳思明

姚問學

鍾山玉

楊顯

李謠

張東

白銀

董國貞 雲南人

梅清 湖廣人

周崇恭 麻城人隆慶年間任

黃仕龍 江西南昌人隆慶年間任

管鳴鳳 萬歷年間任

羅經緯 萬歷年間任

周應宗 崇禎年間任

蔣于蕃 崇禎年間任

楊陞 崇禎年間任

高唐驛

楊應聯 萬曆年間任

趙實行 崇禎年間任

巴中驛

侯榮祿 萬曆年間任

湯如節 萬曆年間任

萬鳴鳳 崇禎年間任

周登先 崇禎年間任

明教諭

譚淮

王縉

李九思

程琳

徐勛

沈縉 德化人

周彬 崇仁人

秦格 永寧人

姚璋

宋昇 黃岡人

李璋 公安人

吳璟 廣西臨桂人

胡志學 永寧人

黃守正 陝西臨潼人

李冠 雲南人

楊自實 北京人

張希元

邵東寅 江陵人

王家相 甘州人

王貴爵 貴州人

阮宗孔 麻城人隆慶年間任

王昇 江安人

張可呂 萬歷年間任

任 萬歷年間任

黎 萬歷年間任

李述 萬歷年間任

張星 崇禎年間任

胡世安 崇禎年間任

陳其能 崇禎年間任

本朝裁

明訓導

楊源

趙岳

阮頤

戴森

鄭倫 石莫人

劉金 黃岡人

曹珙 黃岡人

易俊 華容人

李魁 黃陂人

黃端 東陽人

左廷選 永新人

李舉 富平人

寇時熙 乾州人

周郁 陝西扶風人

劉正 承天人

馬璟 均州人

田嘉禮 宜賓人

周邦傑 常寧人

何鑑 貴州人

王襄 永昌人 中四川庚子鄉試

趙玘 永昌人

王鼎 普定人

周流

張雲祥 臨安人

茹守成 湖廣人

許天爵 善化人

竺樽 臨安人

王藤 山西人

何沛 通城人

楊進之 高陵人 隆慶年間任

卜馮倚 華容人 隆慶年間任

胡克謙 萬曆年間任

熊瑞 丹州人

張文輝 萬曆年間任

曾蛟 萬曆年間任

王昇 萬曆年間任

朱長祚 萬曆年間任

鄭俊 崇禎年間任

袁文煥 崇禎年間任

岑萃 崇禎年間任

姚寬 崇禎年間任

大昌縣 歸併巫山縣

知縣

唐

嚴維 大曆中任見杜詩

宋

梁棟 景定中縣為大寧監棟以保義郎權監事

明

雷鐸 景陵人

聶當清

邢端

趙誠

易良

徐哲

吳裕

鄧相

魏璉

伍聰

洪益

錢潤

李英

董忠

王潮

王京

顧煥

楊鳳

石魏

太和人

連成化己丑年任

青田人

直定人弘治癸亥年任

清平人

雲南人

夷陵州人

司守約 興國人

吳大章

盱眙貢生嘉靖貳拾叁年任

蔣大順

呂塘

保安人嘉靖年間任

宋文木

蔣冠英

王奉先

貴州舉人

戴國經

雲南舉人

陳靖之

湖廣貢生崇禎年間任

易士龍

湖廣舉人崇禎年間任陞蘇州府同知

程正興

貴州舉人

胡士俊

貴州拔貢

龍襄

湖廣漢川舉人修成修學有家宰魏成芳碑記

黃燦然

廣東舉人崇禎年間任賊破城死難

主簿

明

鍾

鉞 興國人

任

激 宣城人

余永成 鉛山人

程鵬 涇陽人

張文建 貴州人

曹濬 陝西人

許鑑 雲南人

舒展才 長州人

于龍

李綱 河南人

陳銓 浙江人

高翔鳳 嘉靖年間任

李朝

徐秀 嘉靖年間任

本朝裁

典史

明

史垣 鄆縣人

雷仕通 河南人

汪世祿

王宣

漆景

鄧必源

李瑶

李芳

謝能 江西人

高貴 孝感人

張楚郁

劉洪 江西人

蔣傑 道州人

王貴

王瓚 江西人

馮綱


黎正率 孝感人

廉銓 江西人

楊潤 康城人

周彰 豐城人

王錦 隨州人



全瓊壁 豐城人 嘉靖年間任

鍾 賁 已陵人

董世雄 雲南人 嘉靖年間任

樊以盛 嘉靖年間任

謝 寅

李 鎮

沈 館 山陰人

本朝歸併巫山

大昌巡檢

明

蕭 文

本朝裁

大昌教諭

明

何昌源 湖廣人

杜 禎 房縣人

王 寧 定海人

胡 淳

聶崇 樂安人

舒倬

梁材 永豐人

宗廷惠

苗實 正德年間人

范英 陝西人

萬松

劉正 承天人

蕭孔清 臨安人

黃中 承天人

張朝棟 雲南人嘉靖年間任

謝朝俊 陝西人嘉靖年間任

葛騰芳

任懋官

陸夢陽

郝芳

何其高

周士英 崇禎年間任

蔡吐奇 崇禎年間任

趙秉明 崇禎年間任

本朝裁

明大昌訓導

韓彥章 光化人

李 琮 衡陽舉人

劉 理 南城人

姚永清 麻城人

劉 玠 黃陂人

楊時春 貴州人

廖文紳 正德年間任

李節春 岳州人

谷 仁 雲南人

尹 寧 安寧人

陳 儒 漢陽人

李承芳 黃岡人

曾 信 雲南人 嘉靖年間任

伍 傑

李竹

李文

謝明叙

孫誥 雲南人

盧鳳翔 嘉靖年間任

本朝巫山縣知縣

吳思熙 福建邵武舉人康熙肆年任

宗書 江南進士康熙拾年任

向登元 貴州貴陽拔貢康熙拾玖年任創修學宮

吳李芳 湖廣進士

羅在廷

騰一驊 廣西宣化縣舉人一日湖廣舉人康熙貳拾叁年任

龍德 湖廣漢川縣監生康熙貳拾捌年任重修文廟叁拾捌年叁月中陞江西臨江府同知

莊必榮 號桐菴正紅旗人康熙叁拾捌年閏柒月初肆日任至肆拾伍年拾壹月內陞授貴州黃平州知府

章鏡承 江南舉人康熙肆拾陸年任

何岐瑞 廣西荔浦縣拔貢康熙伍拾伍年任至雍正肆年陞直隸遵化州知州

崔邑俊 山西貢生雍正肆年任陞邛州知州及夔州府知府

趙願敏 福建舉人雍正柒年任陞行人司

典史

許宗興 福建人

沈廷輔 浙江人

別鴻嘉 陝西人

胡士驕 浙江人

金永泰 浙江人

秦復恒

史朝棟 上元人

柳國藩 山東人

嚴士奇 北直人

驛丞

高唐驛 今改三會驛

王經 康熙貳拾年任本年裁

巴中驛 今改小橋驛

王化鱗 康熙貳拾年任

章世瑗 康熙貳拾壹年任貳拾貳年裁

本朝大昌縣知縣

陳肇復 福建歲貢康熙肆年任

陳民懷 湖廣進士康熙捌年任玖年裁歸平山

本朝武秩官

巫山營遊擊

趙平 保定人康熙肆年任

武國用 陝西人康熙陸年任

于成龍 直隸天津人康熙貳拾壹年任

守備

邊文全 陝西人康熙肆年任

蒲如蘭 陝西人康熙捌年任

李芬 陝西人康熙貳拾貳年任

昌寧營遊擊

劉應虎 定邊人康熙肆年任

李良禎 達州人康熙伍年任

王過春 江南人康熙拾玖年任

康承祖 山東人康熙貳拾貳年任

守備

李海 山西人康熙肆年任

駱天選 雲陽人康熙捌年任

吳伯喬 貴州武舉康熙拾玖年任

名宦

明巫山名宦

嚴昇 繁昌人永樂中任公勤有守士民歌誦歷官僉事

王禎 成化間任夔州府通判時流賊寇巫山率兵攻之追至大昌馬陷泥淖中為賊所害事聞贈夔州同知立製恤祠於大昌祀之

祝簡

唐書 麻城人正德初年任創修石城民永賴之

趙時鳳 修城修學仁威並著

葉文炳

張惟任 留心撫字教養兼優邑人建祠於邑西肖像以祀之有碑記見藝文

陳應試 政簡刑清廉能最著去之日邑人如喪考妣建祠於東閩外肖像祀之

楊日楚 湖廣興國州人萬曆肆拾柒年任惠愛及民德澤遠播邑人立祠祀之

明大昌縣名宦

董忠 真定人弘治年間任修城垣建學校百廢俱舉遠近悅服有碑記見藝文

吳大章 旰吐人嘉靖年間任恤民災弭賊盜興學校舉廢墜昌民德之有碑記見藝文

陳靖之 湖廣江夏人由選貢崇禎年間任清廉愛民甚得民心時流寇入川挺身殺賊有督力使壹鐵鞭人因斃為陳鐵鞭保護城池賊不敢犯

程正典 貴州銅仁府人由舉人崇禎年間任德能撫民智足禦亂昌民至今感之

科第

漢唐 失考闕

宋進士

王文義 治平進士巫山人郡誌載景德二年進士大寧人

姚邦基 政和進士大昌人祀鄉賢

王洪 紹熙進士大昌人

明

黃翔 弘治己未科巫山人任雲南臨安府知府

柳英 巫山人嘉靖壬辰科任廣東布政司時號天下清
清第一祀鄉賢

王鳴鳳 巫山人正德庚辰科任太僕寺少卿

郭維禎 巫山人萬曆十七年進士任隴西兵備副使

袁輅 大昌人永樂癸未科任知縣

明舉人

蘭興祖 巫山人洪武三十二年己卯科任知縣

彭興 巫山人永樂六年戊子科任知縣

黃崇禮 巫山人永樂六年戊子科任大趾交州府同知死難祀鄉賢

曾鐸 巫山人永樂九年辛卯科任通判

向智 巫山人永樂辛卯科

李忠

巫山人永樂辛卯科

羅海

巫山人永樂丁酉科

向昂

巫山人宣德己酉科

黃彥明

巫山人宣德丙午科任同知

岳永中

巫山人正德九年舉人

譚

綱 巫山人景泰庚午科任知縣

黃端

大昌人景泰丙子科

楊

鎡 巫山人弘治己卯科任鞏昌府通判

鄧

芳 大昌人嘉靖癸卯科

張國華

巫山人嘉靖己酉科任戶部員外郎

向

上 巫山人嘉靖己酉科任鳳縣知縣

楊

濂 巫山人嘉靖三十四年甲子科北關解元任華亭縣教諭

鄭逢時

大昌人萬歷己卯科初任歸德府通判後陞衡州府同知

楊世祿

巫山人萬歷丙午科有傳

向台柱

巫山人天啟甲子科

國朝舉人

賀勳

巫山人康熙己酉科任任邱縣知縣

陳祖舜

大昌人康熙己酉科任知縣

王有馮 巫山人康熙壬子科任虹縣知縣

傅作楫 夔州府學巫山籍康熙丁卯科任都察院左副都御史

袁世德 巫山人康熙丙子科任忠州學正

馬天麟 巫山人康熙甲午科任忠州學正

國朝武舉

吳夢魁 康熙甲子科

馬世麟 康熙丁卯科

李錦 雍正乙卯科

明

貢生

晏永高 大昌人正德元年恩貢任河南南陽府內鄉縣知縣

易冬 大昌人正德初年恩選任陝西延安府通判

夏宗魯 大昌人正德初年恩貢任河南祥符縣教諭

晏卿 大昌人正德末年貢任陝西鞏昌府西當縣知縣

盧應銓 大昌人嘉靖初年貢任雲南永昌府通判

左斗 字文齊巫山人嘉靖恩選任湖廣龍陽縣知縣

何京 巫山人嘉靖二十年歲貢任陝西西安府三原縣教諭

易緒 大昌人嘉靖五年貢任湖廣監利縣知縣

楊潤 巫山人萬歷年間歲貢任江南松江府上海縣訓導陞崇寧縣教諭

熊秀實 大昌人萬歷二年歲貢任湖廣荊州府興山縣知縣

楊深 巫山人萬歷年間歲貢任湖廣石首縣教諭署縣事有異政

晏承運 大昌人萬歷未年貢任本省嘉定州學正

易春 大昌人萬歷玖年選貢任本省建始縣教諭

涂希禹 大昌人萬歷甲申年貢任福建汀州府歸化縣知縣

陳經可 大昌人萬歷叁拾捌年恩貢任湖廣武昌府江夏縣知縣

姚希魯 巫山人萬歷年間選貢任通判陞知州

王一驥 巫山人任榮昌縣教諭

劉芬

黃袍

曾音

黃坤

羅上任

向叙

向致

蕭雲漢

向年

牛愉

黃衣 俱巫山人

向善 巫山人天啟元年恩貢任廣東雷州府遂溪縣知縣

韓上言 巫山人天啟年間恩貢任陝西鞏昌府通判陞山西隰州知州

王一麟 巫山人天啟元年恩貢任本省教諭

晏學孔 大昌人天啟年間選貢

徐贊明 大昌人天啟年間選貢任本省嘉定州學正

冉希堯 巫山人天啟年間歲貢任雲南昆明縣教諭陞湖廣衛州府安仁縣知縣

蹇而文 大昌人天啟年間歲貢任福建邵武縣縣丞陞陝西延安府保安縣知縣

吳台弼

曹銓

郭台臣

羅台

黃加復

馮奇 以上俱巫山人

龍負圖 巫山人崇禎年間歲貢任本省大足縣教諭

蕭聲遠 大昌人崇禎年間選貢

涂茂昭 大昌人崇禎年間貢

盧傳吉 大昌人崇禎叁年歲貢任湖廣宜都縣教諭

易可誦 大昌人崇禎拾肆年歲貢

易可教 大昌人崇禎年間貢

涂茂進 大昌人崇禎年間貢復舉孝廉任兵部職方司主事

易義裔

易泰吉

馮時中 俱大昌人俱崇禎年間貢均未仕

譚嘉言 大昌人

黃道聞

汪 思

徐佐明

向最上 俱巫山人俱崇禎年間貢

國朝貢生

何可當 巫山人順治十六年思貢未仕

楊永春 大昌人順治拾陸年思貢未仕

聶聯甲 巫山人由思選順治拾陸年任雲南昆明縣知縣

田雨公 巫山人由思選順治拾陸年任直隸昌平州州判有守有為昌民德之後陞
燕山左衛經歷

楊 尚 巫山人由思選康熙元年任山西蒲州州同署州事頗惠政載在邵乘

向經 巫山人由選貢康熙元年任山東汶上縣縣丞

鄉賢

宋

姚邦基 大昌人政和進士烏尉氏令劉豫僭竊遂匿山林聚徒以養豫誅朝廷尋訪
隱逸高宗嘉之授以京秩

明

黃崇禮 巫山人永樂年間任交州府同知黎賊之叛抗節不屈死於官

黃翹 巫山人弘治年間任雲南臨安府知府奉 旨批學行隆於鄉邦政治昭於部
府惟時推重罔有間言

王思睿 巫山人宣德年間任吏部文選司主事剛正無私朝守推服

柳英 巫山人嘉靖年間歷光祿卿陞廣東布政奉 旨批甘棠樹愛七省清操時傳天下清官第一

孝義

宋

王文義 景德中母疾篤割服進藥母疾遂愈後母卒廬於墓鄉人憫其貧日給之
食增去水遠無以滌器感夢得泉人因名曰孝感泉事聞賜以衣帛

明

左斗 字文齊居巫之南鄉雲步山為諸生時其家為洞蠻所劫失父所在終
日號泣尋訪者不可得屢禱於神以求感應一夕夢二青

衣云閻羅相請問何事云尊大人有狀不能對理寤
後覺精神疲困以告家人曰我且死當還母遺殯殮
遂沐浴更衣端坐而逝惟心頭微熱家人從而守之左至森羅殿
下行禮閻羅起立曰左大尹至矣命將前事帶審鬼卒押到數人
其父在焉左一見之悲號不勝審畢始知蠻賊截去父舌棄屍岩
中間羅合送之歸遂甦因夢境求得父屍以塋後果
以嘉靖思選授湖廣龍陽縣今年老致仕

何應龍

巫山增廣生員嘉靖十二年因父何邱陵在京候選被盜中傷而死應龍赴闕陳情奉旨還父本職令扶視回仍賜匾旌獎

蕭治國

大昌民崇禎十年母病垂危割服醫救得愈知縣陳靖之以聞賜匾旌獎

冉衢

巫山增廣生員崇禎十一年因父希克病篤割服醫治年二十二歲病故其妻楊氏守節十年亦病故縣令劉嘉增詳請旌獎匾曰節孝之門

孝婦

涂氏

大昌人庠生鄭可受之妻崇禎十三年鄭母陳氏病危氏割服作丸以進得愈知縣程正典申詳賜匾旌獎

忠節

唐

雷萬春

巫山跳石里人張巡之將也肅宗時尹子奇寇睢陽萬春面中六矢而不動衆驚以為神後城陷死之相傳為陽臺土主云

明

郭巡檢

名失考崇禎七年流寇犯巫山郭率鄉兵於城西北百丈坡接戰死之

張利

崇禎十三年以副將防守大昌屯兵天賜城遇戰一十八騎深入重圍奮勇殺敵百人力盡自刎

義士

羅傑

大昌人崇禎七年賊亂鄉人告以往避傑云此處就是避賊之所遂正衣冠危坐堂中列書史以待之賊至索財物傑厲色辱罵遇害賊退家婦收其屍猶怒目豎鬚顏色如生

劉永富

大昌人弟永昌牽連人命兄弟九人爭受產救之願以身代太守以恃衆為非治罪諸兄受刑不怨惟訴稱守法良民不忍

弟之遺此也太守拘訊鄉里俱言永富兄弟十人素性孝友不敢為非太守乃申辯云為弟難而受刑妻已產而無怨釋於歸里獎以尚義之族

簡卓

巫山民年二十值戊子歲凶荒人民相食斗米十餘金卓妻餓死同兄覓食歸州度其勢不能俱全將銀四十兩付兄托言他遊遂投江而死

義僕

陳三

生員陳許謨之僕明末遭劉二虎之亂全家被擄賊營陳生夫婦相繼而亡遺一子梵獨陳三恐罹賊害遂棄己子竊負幼主而逃

極盡鞠育之勤撫養成立凡起居應對仍安主僕之分合縣公舉縣令吳思熙書俱旌獎優免

節烈

婦德以柔順為正而節烈則取其堅剛丹可磨而不可奪其色
蘭可燻而不可減其馨寧為金堅母為石轉寧為玉碎女為
瓦全誠可謂操共冰霜俱凜而志與日月爭光者矣然而有幸有
不幸為時處其常旌表之所及則稱揚靡盡時過其變聞
見所不逮則湮沒失傳同此苦節也顧可異視歟博徵之以
備闡幽之義誌節烈

明

向氏 嘉靖年間巫山里民張猷巨妻孕三月而夫亡後生子張光祖氏守節
四拾壹年而終有旌表

馮氏 萬歷年間巫山庠生向豫誠妻夫亡撫遺腹子大學成立守節終身有
旌表

黃氏 萬歷年間巫民江儀之妻夫溺於江氏聞之江奪溺所投水而沒遲日抱夫
屍浮于水而人咸稱異焉事聞旌表

胡氏 萬歷年間年拾捌適巫里民向文質亡壹子繼亡氏誓不再適事姑盡孝
有司以聞旌獎

楊氏 萬歷年間巫諸生羅英妻鄉紳揭深女年貳拾陸夫喪子尚幼立守守節治家
嚴肅訓子有方年柒拾伍終後旌表

官氏 天啟年間巫民冉天思之妻年貳拾夫病篤割股救之夫亡父母欲令再醮氏
誓死不從守節柒拾壹歲而終有旌表

魏氏 巫庠生黃瑛之妻年貳拾夫故守節叁拾餘年至辛卯歲劉二虎之亂氏子星煥被驅入
營氏謂其子曰我之不死爾父者以有尔在也今尔在亂軍中我不可隨遂於是夜自縊於其夫墓側

侯氏 巫庠生黃甲閏之妻崇禎甲戌流賊入境氏被執罵賊不屈而死

王氏 巫里民陳大位妻年貳拾叁夫死守節撫二子成立崇禎甲申值流賊被寨義不
受辱携媳王氏及孫男孫女俱投岩而死

陳

氏 巫弁馬猶龍妻戊子歲猶龍遠出遇荒亂陳孤苦自持庚寅歲其姪馬華計賺至家陰許賊將惠養廉為妾令人誑迎之陳測其情料不可脫欣然就道至則飲食笑語毫無覷覷給養廉先寢托故出房反扣其門自縊死

張

氏 巫山人何奇妻士魁女值兵燹為賊所執欲污之不屈死即何烈婦有傳見藝文

張

氏 巫山人庠生張國忠女幼通文藝為巫民劉養氣妻丙申年養氣病卒有欲奪其節者氏乃置酒過邀戚眷解之凡三日閉戶自縊懷一帖於胸云幸嫁豪俠之夫宜作連枝之鬼近願養氣而思義遠瞻神女以無慚眾咸敬之以夫婦同穴而葬

晏

氏 大昌民聶子傑妻同妻侯氏年俱二十七寡居矢志撫孤並稱完節

譚

氏 大昌人庠生劉大用妻崇禎七年流寇破寨氏不受辱投崖而死

劉

氏 大昌人庠生方日旭妻崇禎七年流寇破昌氏被執義不受辱罵賊而死

向

氏 巫廩生何言妻舉人向台柱長女也桂王承歷壬辰春劉二虎攻圍石倉寨破向氏負幼子跳岩而死邑令蕭來鳳請獎表之

隱逸

唐

毓知一

蜀之巫山人隱居不仕白樂天左遷過巫毓贈以詩云忠州刺史今才子行過巫山必有詩為報高唐神女道速排雲雨後清解樂天見之邀毓生同舟且曰巫山有王無競絕佳期皇甫冉李端四詩何用更作竟不肯作古人之服善無我如此沈與皇甫李端詩多知之王無競一首罕傳今錄於此神女下高唐巫山正夕陽徘徊逐行雨婉戀逐襄王電影江前落雷聲峽水長朝雲無處所臺殿樹蒼蒼樂天取此詩在佳期之上信哉

明

蔡

福 字壽天大昌人貢於太學歸省遂不起事親法古人溫清之節終無倦志鄉人多愛重之南溪令路義高其風贈之詩曰少年讀了許多書見道分明任卷舒贏得身心多散澹從教歲月自居諸羊耳山間多少地讓君高蹈老樵漁

柳

琳 巫山人光祿鄉柳英之祖資性純厚循禮讀書為庠生當貢心甘恬退遂不出惟吟咏以陶寫性情鄉人咸重其德後孫顯蓋食其報焉

向

智

字德聰巫山人中永樂辛卯鄉試隱居不仕嘗曰學有未成身有未修是可憂也潛見何足介意哉晚陶情於詩其夜飲云清香浮竹葉古調落梅花山居云樹色秋來減泉聲雨後增皆佳句也

牛

斗

巫山人其祖惠博學不仕斗謙謹與人恂恂有禮由例貢入太學後以子朝用時用皆應貢遂終隱焉處鄉里有貧者多周之邑人高其義給事中曹汴扁其廬曰三山隱趣

王

一驥

字少賓巫山歲貢生孝友性成窮年咕嗶萬歷間任廣文不欲遠離老母遂致仕歸隱居樂道悃悃無華居鄉淳謹人咸以善人稱卓有古人之風焉邑令傅晟重其德行屢請鄉飲正賓其母設晚之期驥書堂聯云白髮投烏紗林下霑九天雨露綵衣將壽酒庭前列四代兒孫迨其母亡悲號等於孺墓門聯云九十老母天下有七旬孝子世間稀年八十餘猶能與少年者角力相誇至九十有八無病而終其弟廣文一麟孝友一如之壽亦逾九十邑人士莫不仰其德壽云

流寓

楚

宋

玉爲楚大夫常居巫山作高唐神女二賦託詞以諷王

爲屈原弟子原沉汨羅玉作招魂以悲其志太史公曰楚有宋玉唐勒

景差之徒皆好辭而以賦見稱然皆祖屈原之從容辭令終莫敢直諫焉

漢

楊

雄字子雲成都人其父寓巫山生雄後雄父雄視百代論者謂雄之秀云

梁

徐君倩字懷簡東海郟人孝嗣之子聰明好學有輕艷之才

新聲巧變人多諷習仕梁爲湘東王諮議叅軍頗好聲色

時時載妓肆遊荆楚山川靡不畢踐常流連於十二峯之奇

唐

張九齡左遷荊州大都督長史嘗巡縣屬登臨巫山有詩

李 白字太白蜀之彰明人嘗遊巫山題咏頗多

杜 甫字子美襄陽人避亂入蜀嚴武辟為參軍居夔之草

堂後遷居西瀼往來巫山題咏頗多

白居易字樂天太原人與李之隱士疏知一善見隱逸

宋

寇 準萊州人太平興國初知巴東愛夔巫山水常以公閒徜徉其間

黃庭堅字魯直豫章人神宗時謫居戎州因其弟為巫山令常

寓焉嘗刻細腰宮碑作鉄盞盆記又手書十二峯詞刻於巫山云

明

楊名字公實號芳洲遂寧人有文章氣節以直言忤旨謫戍瞿唐

多所著咏嘗修大昌縣志又與楊太史慎修省志號稱博洽云

羅洪先江西人狀元雲遊至巫山寓大昌作王楨戰馬碑記後住

大寧仙人洞不知所終

吳簡言年代失考一日為神女辨誣云惆悵巫娥事不平當年一

夢是虛成只因宋玉閨唇吻流盡巴江洗不清是夕夢神女致謝

仙釋 附寺觀

神女瑤姬真誥華林字容君爲南極元君紫微夫人王母第
三女王媚蘭爲雲林右英夫人王母第十三女青娥字愈意
爲紫微左宮夫人王母第二十女雲華上宮夫人名瑤姬
王母第二十三女玉卮王母小女常遊東海過江上有巫
山焉流連久之時大禹理水天風卒至禹因暉夫人求助
夫人即援禹策檄召鬼神之書按天中記載瑤姬炎帝少
女未行而死葬於巫山之陽精神化爲瑤草注瑤草仙芝
之屬也又按集仙錄云雲華夫人王母第二十三女名瑤姬受
鍊神飛化之道常東海遊還過巫峽時大禹理水駐山下因與夫

人相值拜而求助即敕侍女授禹策召鬼神之書因命
其神狂章虞餘黃魔大翳庚神童律等助禹斷石䟽波以
循其流禹拜而謝焉因佐禹治水肖像廟中祀之是神女實
有大功之正神也宋玉之言實不足信

十二溪女駐巫山之頂見玉笈藏書而事實無考

晉

甘戰許旌陽弟子著紫團真經內云永鎮巫山蛟蜃餘孽劍仙甘戰

唐

雷萬春爲陽臺土主道藏經云已封爲雷部之神見忠烈

宋

張道清字得一一字蒲騷巫山里中人母王氏感異夢而孕宋
紹興六年丙辰五月二十日毓於青牛山舍紫氣騰空遠近
以爲異及長達性命禍福或數日不食一日入山半旬不返
人往覘之則見卧於崑中有兩虎踞側里人驚之又一日寢
覺告母曰適往復州里女兄吳家方歸大一姐以絲履果食
來獻翌日果然自是父母益信其神異其後靈蹟屢著開禧
五年七月五日鳴鼓陞座作頌諭衆端坐而蜕紹定四年加
封真牧普應真人見真仙通鑑及竒聞類紀

黃萬護巫山道士常以符藥救人蜀主王建召之鋪草薦於水
面沂流而上面至城都見真仙通鑑及竒聞類紀

明

王玉峯不知何許人非釋非道萬歷年間居羊耳山修道以符水救
人病巫山士庶爭敬之臨去有柳監生者求遺跡乃燒爐火取磚半
塊頃刻鍊成白金仍留一角未化與之尋至夔郡人皆爭禮之太
守以爲妖拘責之守遂大小便不通旋求玉峯乃愈後移建
始縣居石通洞數載莫知所之

果子和尚名文空字天元江西吉安府人終南山作靜四十

年得悟出山能咒果以治病故名因朝海過巫士民留之遂修
秀峯寺以居直指陳公右手病不能舉食其咒果而痊主簿
韓達有心疾亦以咒果療之俱豎碑於寺以表之生於洪武
卒於弘治壽一百二十七歲其六代嗣法僧仁化仁胤俱童
年祝髮性多愚鈍苦心積修徹悟後便能偈頌於康熙二十
四年三月內預識歸期端坐而逝

楚子和尚明時巫山人建菴於治東北岸三十里半山中靜
坐焚修日只食麥麩因名歷年甚久及僧滅後菴中無人對
山居民夜間見菴中燈光閃爍者三年

如意和尚不通宗教苦行真誠萬歷年間募修朝陽洞匠需
綿絮意出江募絮值有客壞舟晒絮江邊時暴雨將至客謂
之曰爾能止雨絮聽爾取意向雨一拜其雨即返人咸異之
後坐化土人肖像祀之每遇旱迎求禱雨即應

寺觀

高唐觀

巫山治西二里高峯之上即古高唐宋玉所賦

峯崇寺

治東北城內

東嶽廟

治北城內

馬王廟

治東北城內

火神廟 治東城外

關帝廟 治西城內

城隍廟 治西北城內

土主廟 治北城內陽臺山下今廢

水府廟 治東南城外

水月庵 治西南城外

東井寺 治東北半里

秀峯寺 治東北五里八景之一昔年覽勝之所今存遺址

雲華夫人祠 昔在飛鳳峯萬歷年間始移建於治東里許象山之上一名神女廟

北城庵 治北城內陽臺之上

觀音閣 治東里許象山之上今存遺址

連雲寺 治東三里筮篁侯山之巔今廢

麩子庵 治東北三十里麩子和尚所建今廢

蕭公祠 治東筮篁侯山之下

三義祠 治西南四十里今廢

龍興觀 治西南六十里今半存

楊四廟 治西南七十里黑石峽中交奉節界

桓侯廟 治西北五十里瞿塘峽口

朝元龍觀 治東北三十里

鎮坪寺 治西南一百二十里坪龍渠中一名普安堂

普齊寺 大昌治東城外

東嶽廟 大昌治東城外

關帝廟 大昌治東北城外

興雲觀 大昌治南里許

回龍寺 大昌治南二十五里

西獄廟 大昌治西城外

百果寺 大昌治東二十五里

祖師觀 大昌治西南三十里

石砭觀 大昌治

龍泉寺 大昌治東六十里

興隆觀 大昌治東六十里

悟真觀 大昌治東八十里

朝陽觀 大昌治西六十里

三臺觀

古峯觀

古蹟 宮室墳墓附

楚王宮治東楚襄王所遊之地遺址尚存黃廷堅石刻所謂細腰宮是也
陽臺在北城內按舊誌復載有古陽臺在城西里許高山之上南枕大江
每陰雨雲霧先起即宋玉所謂楚王遊於雲陽之臺也

陽雲樓梁簡文帝元帝爲湘東王時倡和有詩

瞻華亭久廢宋鄧諫從有詩

巫子城治南漢南郡巫縣治即此

南陵廢縣治南與陽臺對晉置劉宋廢

江陰廢縣治西六十里後周天和初置建寧中廢

王化城治東北

燕子坡治北與鳥飛岩相對五十朋有詩

昭君村秭歸巫山俱有是名但杜詩有云誰說巫山女兒醜此處即有

昭君村按舊誌云離城東九十里王嬙字昭君生於峽州州有昭君

村村中凡生女多災其面白樂天詩不效往者戒恐貽來者寃至今村

女面燒灼成癩痕

藏春塢大昌治北久廢

虎頭岩大昌縣治對河一里相傳岩大崩便發科屢驗云

斬龍臺治西南六十里錯開峽一石特立相傳禹王導水至此一龍錯行水道

遂斬之故峽名錯開臺名斬龍云

永久驛大昌

魯班洞大昌東十里河邊洞門如屋形內深丈餘俗傳爲魯班所鑿
風扇峽大昌懸壁之上累累形類風扇或類棺木人不能近攀緣
而至者即見大蛇

漢鹽鐵盆記縣治內黃太史石刻曰余弟嗣直來攝邑事堂下有太監
盆有款識蓋漢時物也其末曰永平二年

晉祖溫隸守碑在巫山 有太史跋嘉定癸未漕使王觀之并黃太史跋
俱徙置漕廨王漕又作跋語考其爲晉周撫墓碑今此碑已不存

神女廟詩集古錄唐李古甫詩一首以貞元十四年刻邱元索一首無刻
石年月李貽孫二首會昌五年刻敬騫一首元和五年刻沈幼真書其
他皆無書人名字今廢

巫山詩碑唐金吾衛兵曹參軍沈幼真撰元和五年建今廢

趙文敏手書十二峯詞昔刻於巫山縣令尹某猷其求索之煩磨去今
不復存

楚王塚在城東細腰宮傍

將軍墓相傳晉時人名姓失考疑即周撫墓桓溫有碑

明大將軍康茂才墓治西南八十里洪武初年康茂才領兵征明昇被

飛石中傷莖子金沙灘即今之大溪碑石見在

狀元基大昌治北二十里水口堡有大塚相傳爲狀元坟人代失考

韓將軍基大昌治西一星石碑見存人代失考

孝子王文義母基巫山治西門外

祥異

明嘉靖甲寅年夏一夕暴雨霹靂震驚黉宮大成門移進二尺許階

砌欄楯秋毫無損次年邑明經楊廉入北闈發解

嘉靖二十四年熊入人家

萬曆十六年見黃龍卧于縣東之筓篾山嶺次年郭維楨成進士人以爲

其徵驗云

萬歷丙午年見烏龍掛于縣治之南是年邑廩生楊世祿中本省鄉試

天啟年間人家門戶後有痕類粉其形如針城市村鎮皆然民間闢傳

天散粉針不知何祥

崇禎五六年間治西二十里赤溪洞附近居民常于月夜見各山間有兵馬

旌旗之狀復聞鉦鼓喧闐之聲至甲戌流寇破城

崇禎六年八月十五夜地動自亥至丑方止

崇禎己卯夏南城外民一羣育豚而死剖腹視之中無異形豚身狻猊象

鼻額突出夫瘤現者以鼻上湊則腿開垂則眼合

宗禎庚辰年縣前江邊沙湧如臺方廣數丈高三四尺未幾揚嗣昌督師入蜀邑令沈白迎之榜其臺曰新築沙堤過後復為平沙

順治丙戌年未入版圖時有虎每夕入市哮吼震地民間鷄栖厨灶皆為所擾驅逐之聲達旦次年賊首李過名一隻虎渡江南鄉遂亂嗣後在在有虎數十成羣傷人食物不可勝紀

戊子己丑年凡民間雌雄鷄翅端皆有一爪如距

己丑年城東草庵中梁偶如虫蛀木末落地如錢頃刻奇莖異葉布地而生掃之不除方廣徑尺民間闕傳為莎羅樹識者以為馬蹄化云

辛卯年秋九月夜分有二鳥飛鳴前則聲似鵝而緩後者聲似鴨鷄而急有類鸚鵡由東穿城而西占曰有暴兵劫城未數日果然自暴兵破城之後鸚鵡不知從於何處幾二十年始見

壬辰年袁宗第竊據大昌時霜降節祭旗纛于東郊是夜天朗氣清星光燦爛至四鼓忽見中天一物蜿蜒如龍下見頭爪金甲奪目直透碧空而沒其時營中大藥忽發衆咸驚愕識者以為天狗星云

辛丑年大昌城西田中有鳥似鶴而頭大于鶴營兵迫之不飛報于袁宗第表即往觀令驅之鳥緩行數步而仆就執之死矣

壬寅年川督李公諱國瑛進兵夔關袁宗第退托當陽大寨有望見白氣成團儼如綿絮者三從天而降于對山之巒麓化為白馬二後隨如羊數十

由東徃西騰騰而去

康熙甲寅年吳逆僭據時春月治東地名馬坪居民金學家特產一犢三
目四耳舌端有缺胸列四蹄脊後分爲二身各二蹄一尾

丙辰年吳逆僭據時地名匡家山有見大蛇負小蛇而趨又見蛇吞蛇其年
秋里民韓熙鋤地聞人聲四顧則無所見復俯首而鋤又聞有啾閃開者
再驚視之見草中一大蛇急拽鋤而奔蛇旁田遂陷熙亦無恙

丁巳年吳逆僭據時治東南楊柳坪雨血鋪地數丈大者如錢凝於石者
如紅膏又治之西南地名泗瀆雨血亦如之

其年夏月一夕暴雨如傾詰朝東嶽祠週圍簷下死雀數百識者以

爲湯殺雀云

戊午年吳逆僭據時東村楊鄉紳家東廂房內蟻作複道如藤蘿
之狀纖枝細葉極其分明自地達簷蟻往來其中人咸異之

康熙二十二年癸亥三月內大昌里民李登龍家水牛生一犢兩脊相連
八脚二腹四耳兩目一口双尾

康熙甲子年天旱知縣向登元捐穀賑恤不成災

康熙二十四年乙丑五月十八日暴風雨雹拔樹傷木居民房屋十毀其
三知縣向登元捐資量賑之其年十月初七日空中有聲如炮野雉皆鳴

僭據

漢光武建武九年公孫述遣其翼江玉田戎大司徒任滿南郡太守程汎將
數萬下江關擊破馮駿等軍遂拔巫及夷道夷陵因據荆門虎牙橫沅
起浮橋關樓立攢柱以絕水道結營跨山以塞陸路絕漢兵

和帝永元十三年冬巫蠻許聖以郡狀稅不均怨恨遂反寇南郡十四年夏
四月荊州兵討巫蠻大破降之

昭烈章武元年秋七月帝自將伐孫權遣吳班馮習攻破权將李翼等
于巫進軍种歸权以陸遜爲大都督朱然等五萬人拒守

宋泰始五年十二月置三巴校尉先是三峡蠻獠歲爲抄暴故分荆益四
郡立府于白帝以鎮之又以孫謙爲巴東建平太守敕募千人自隨謙曰
蠻夷不賓蓋待之失節耳何煩兵役以爲國費遂不受至郡開布恩
信蠻獠翕然懷之競餉金宝謙皆慰諭不受

梁元帝承聖二年武陵王紀舉兵由外水東下至巴東知侯景已平乃
自悔以既稱尊號不可復爲人下遂至西陵秋七月辛未巴東民
符昇等斬峽口城主公孫晃降于王琳謝朓仁任約攻侯覲破之
拔其三壘于是兩岸十四城俱降紀不得退樊猛擊斬之

唐高祖時李孝恭以山南招討大使徇巴蜀下三十餘城拜信州總管時
蕭銑據江陵孝恭討之造艦習水戰自夔州東擊蕭銑時峽水方
漲諸將候水落李靖曰兵貴神速吾今乘江漲掩其不備可成擒也

乃帥戰艦五千餘東下銑果不爲備拔其荆門宜都三鎮屢破其軍進圍江陵降之

唐文宗龍化元年嘉州刺史叛降于王建建封假子宗壽爲嘉王永平四年荆南高季昌侵蜀巫山道嘉王宗壽敗之

周天保元年信州蠻冉令賢等據巴峽黨與連結設陸騰督司馬喬之宋淳化中王小坡李順作亂攻陷施夔等州郡知夔州慕容德琛多方禦之克復十餘郡民免鋒鏑

宋理宗嘉熙三年十二月蒙古塔海等帥衆南侵荆湖制置使孟珙料其必道施黔以透湖湘設策備之珙兄璟知峽州率兵迎拒于歸州大岷砦得捷于巴東遂復巫抵夔

元至正十二年全蜀爲夏明玉珍所據巫爲偽邊邑珍殂子昇嗣歲辛亥寶明太祖金陵登極之四年也時削平群雄混一疆宇惟明氏依違弗決正月丁丑太祖乃命中山侯湯和爲征西將軍江夏侯周德興爲左副將軍德慶侯廖永忠爲右副將軍暨平章楊璟等率荆湘舟師由瞿唐趨重慶潁州侯傅友德兵趨降中五月丙辰湯和師發巫山攻瞿唐以江水暴漲駐大溪口己未傅友德兵至漢江阻水未渡造舟以濟己卯至漢州欲以消息達湯和而山川懸隔適水漲乃以木牌數千書克階文日月投漢江順流而下守者見之爲之解體六月

友德攻漢州守將向大亨戰敗克之先是僞夏聞王師將至悉衆
守三峽及階文失守乃分兵援漢州及至而城已下矣西川震動丙戌
太祖以湯和等師久逗遛詔責之廖永忠聞命奮起率兵先進會得木
牌于江和亦進兵自白鹽山伐木開道以趨夔守將飛天張疑為張飛天
或張天飛
逆戰敗走遂克夔州直抵重慶東川抵定云

明成化丙戌四月流賊石和尚等攻破巫山焚毀縣治五月復攻大昌夔州
通判王禎率民兵堵勦死之

明正德庚午年流賊藍廷瑞鄔本恕劉六劉七等攻陷大昌

隆慶四年橫賊黃何四等作亂江南久爲民患六年始討平之按橫賊

施州衛洞蠻也歷來屢爲邊害云

崇禎甲戌年二月流賊由楚入蜀有平果整
十萬等號縣令周道顯委郭巡檢率民

兵數百于縣北地名百丈坡堵截郭巡檢情失
其名戰敗死之巫城遂陷闔治焚毀官

民俱渡江逃避

崇禎己卯張猷忠等自穀城復及入川攻巫縣令沈向及鄉官楊世祿倡率

士民守之石砭司女將秦良玉統兵駐防城外房舍尽被拆毀出師至東

仙女橋敗績楊監紀遺其名走死

庚辰年巫之官民與賊對壘者半年是歲巡撫邵捷春親至大昌城內昌

令陳靖之率家丁出戰屢有斬獲賊攻破大昌馬波隘直入雲陽

等處邵巡撫督兵進勦 月張獻忠至太平縣瑪瑙山大敗回復圍攻巫山官民嚴加守禦次日解圍而去

崇禎癸未年巴東土賊毛有能屢為邊患以治東六十里香爐灘為界灘之上屬明灘之下即李闖借據之地

崇禎甲申春賊張獻忠盡驅楚民大舉入川總鎮王之倫倡逃賊前鋒突至兵民亂奔城遂陷水陸各隘悉為不守賊遂相繼而入弥山寨野屠人馬為食所擄楚中男婦盡食麥苗草根死者相枕藉大江舟楫絡繹不絕兩月始尽尸橫滿野江水皆臭居民所遺無幾

順治四年五月李自成餘孽高以功即高必正李過即李恣等共十三家擁

衆數萬攻破大昌之橫嶽復攻破巴西之二燈岩執知縣劉嘉增賊親率精銳兵上流竄渡長江失守蹂躪月餘赴施州衛而去繼此三四年于大海李占春王友進譚詣胡雲鳳等營縱橫擄掠殆無寧晷商賈絕跡耕農失業斗米四兩強者掠人而食弱者割尸苟延加之土棍入伍肆兇驕兵悍將屠戮無忌兼以虎豹疾疫百姓死亡殆尽矣

順治辛卯秋九月于大海李占春敗績于孫可旺乃順流東下攻劫巫城而去是冬袁宗第劉体純馬重禧塔天宝李來亨董守泰郝永忠等營由南渡地分據興山巴東巫山大昌等處至康熙二年始行削平

康熙十三年吳三桂反二月偽將軍陶繼智劉之復水陸東下過巫直犯夷

陵巫令宋書棄官潛遁三月偽將軍王屏藩等至巫隨回上川北

康熙十八年偽將楊來嘉王鳳岐劉之衛等自夷陵敗歸盤踞巫水陸
設險十九年總督楊茂勳提督徐治都統滿漢官兵進勦克復

康熙十九年閏八月譚弘復叛據巫二十年正月平之
兵防

周武王伐紂庸蜀羌髳歌舞之師會于孟津

楚懷王三十年往會秦昭王秦因留楚王要以割巫黔中之郡楚王
欲盟秦欲先得地楚王怒曰秦詐我而又強要我以地不復許

項襄王二十年秦將白起拔我西陵二十二年復拔我巫黔中都

項襄王二十三年收東地兵得十有餘萬復西取秦所拔我江南十五
邑以爲郡距秦

楚考烈王元年秦取我黔中

漢高帝發實兵定三秦

諸葛武侯治蜀以八陣法教閱戰士

晉王濬用蜀兵伐吳後唐孟知祥克遂閬利夔黔梓六郡得兵三萬
宋末總兵張宣率兵屯大昌之天賜城防守元兵元置夔路萬戶府

明置瞿唐施州二衛大牙相錯以爲防禦正德間藍鄙等賊倡亂攻陷巫
山大昌以瞿唐衛勦之佐以民兵弘治元年設兵備副使駐劄達州統

轄各衛所而各府州縣編倉弓兵民壯名爲鄉勇以時操演用備不虞
崇禎七年流寇入州巫山大昌水陸設立十三隘曰劉石洛門百子東坪巴
霧官坪三溪水瓜培石邊魚馬鬃八十坪馬渡河俱官兵防守而巫令沈
向訓練土著官義兵復有鄉兵黨兵糧兵壯兵等名及鄉紳生員共修
守禦之具而昌令陳靖之同時訓練民兵設防堵禦甲申獻賊入川沿
江失守繼以姚黃于李三王三譚連營江干大肆蹂躪耕耘盡廢斗米
銀四兩餘百姓死亡殆盡千里人烟斷絕及後十三家李來亨袁宗第
等憑恃險阻而盤踞多年寥寥才遺盡從而爲荷戈之兵矣我

皇清布昭神武克取滇黔之後康熙元年總督四川大司馬少保李國英稅
意廓清是以有巨寇久逋天誅之請

朝廷可其奏爰

命湖廣陝西四川提督合師進勦水陸雲屯少保授鎮將方畧遂復夔郡二
年癸卯正月元日進兵羊耳山袁宗第焚營挈老幼遁匿深箐中或
謂宜速追少保曰賊之羸誘我也軍于大昌按甲不動度宗第疲且窘
乃遣將出奇冒險突擊搗茶園坪宗第竄巴東去賀珍子道寧始
率其黨歸命未一月而昌寧入我版圖矣二月師次巫山牽制賊劉三虎
首尾五月鄭提督合師于巫適郝搖旗棄房竹至巴東與諸逆會及七
連坪楚師失利勢猖獗且謀犯蜀少保謂提鎮曰巫地勢低凹難馳驟

賊衆若遠來利速戰我堅壁以待彼不能久持乘其懈可擊而殲也于
是躬先士卒繕完城垣北城下錠梅花木椿椿下批品字深坑西城外
之高唐觀地高峻可瞰城中立敵樓炮臺東城外阜峻闔築土寨
馮少保與提鎮分汛登牌仍策水師鎮總兵譚詣防江爲內外翼時
八月二十四日也賊合數萬衆直薄城下攻圍甚銳我軍靜以待之
賊築土圍雲梯挨牌晝夜環攻我將士奮力擊賊出城斫圍斬殺過
當鄭提督復出奇兵絕賊糧道賊猶無退志且挖地道攻圍如故少保
乘其挫銳勵鎮將于九月初七日黎明四出衝賊營斬首數千賊衆
敗遁于時郝搖旗竄入大寧少保檄立寨鄉勇扼險據守靜听撲滅
復諭降賊約還其妻子之被俘者公誠所布入人心腹由是羅茂同嚮
風倡順郝袁之萬餘衆接踵歸誠而劉二虎營中隱微機密尽知人
懷離叛少保已聚米爲山矣及西安將軍傅副都統杜大兵繼至
十二月滿漢誓師一舉而搗陳家坡再舉而奪老木孔党類望風
若崩厥角体純自縊舉室尽焚乘勝長驅雪夜擊驅擒郝袁等
渠魁于黃草坡蕩平之速僅八日耳獨來亨負嵎茅麓鹿山康熙三
年正月靖西將軍都統穆咨會少保少保即咨行提督鄭蛟麟撫勅
總統署總兵梁如琦重慶鎮總兵程廷俊署副將趙虎臣遊擊黨世
昌署副將陳福等恭同

禁旅進偏賊壘少保環視逆寨延袤陸百里壁立如削乃分汛據險以困之蜀汛當賊寨西面通梁殊陡絕爲來亨出入咽喉地提督鄭蛟麟簡精銳兵兩奪通梁以扼賊之吭而拊其背少保自黃龍山移汛吳家庄斷絕要路遂制賊死矣閏陸月初玖日賊夜犯通梁殊死戰莫克脫我師奮勇堵截敗去來亨計無所出縲首自焚死馬党塔王光興窮迫投楚我師凱旋蜀楚以寧是役也

廟謨制勝少保祇承文武同志將士用命舉貳拾餘年之逋寇數百里之巖疆電掃無餘數天共快然以蠢茲頑梗狡馬弗賓勞我

王師經年而後克之經費金錢亦不貲矣况飛運軍糈數千里深入楚地蜀民受累獨深巡撫都御史張德地時疏兵馬至楚地應食楚糧民困殆蘇非以其地僻山險三省錯壤狐兔易爲跣伏攻難而守易歟既于重夔水陸設有大鎮重兵復設巫山營城守遊擊壹員守倫壹員千把陸員副兵伍百名又設昌寧營遊擊壹員守備壹員千把陸員副兵伍百名經制善後之計嚴且密矣康熙拾貳年冬吳逆作叛陶繼智劉之復二僞將軍率共順流而下直抵荆夷而巫山昌寧爲之不守云拾捌年僞將楊來嘉敗於鄖陽劉之復王鳳琦敗于夷陵會兵巫山水陸據險拾玖年鄖陽撫部院楊茂勳奉命陞四川總督入川徵勦會同湖廣提督徐治都暨欽差督陣大人蘇赫臣噶由

荆夷逆水而進正月貳拾肆日抵巴東西瀆遂議分兵四路水師鎮胡
總兵率舟師逆水而上襄陽鎮劉總兵率同督兵呂副將由右路取
大昌副將等由左路防賊抄後督提合率官兵由中路於貳拾陸
日遇賊於巫山之三會鋪而楊劉王三偽將軍悉衆以迎列兵西山
中扼一線督提分兵進攻鏖戰從辰至申我兵奮勇登山賊乃大潰追
殺叁拾里遂克巫山縣城陣獲偽將軍王鳳琦斬殺賊兵無算次統兵
前徵貳月初壹日取夔州賊勢披靡不能再振至萬縣降譚弘直抵重慶
而偽將軍楊來嘉劉之復無所逃遁悉降焉壹月之間川東悉平蓋由
皇功德播昭聲靈赫濯故督提二公揆文奮武一乃心力遂使瞿唐三峽之險
不足恃而烏合叛逆之衆無能爲也地方既平總督楊 奏請設防仍其
舊制未幾而譚弘餘黨未散又復梟張新復之地經制未周人心未
固譚逆得乘其隙而動搖兩月之間重夔州縣悉爲所據
朝廷仍命提督徐公會同將軍噶仍率兵進勦賊乃棄巫夔而據雲陽
我兵於貳拾年正月始得勦滅遂任師夔城分兵防巫復立營制巫山昌
寧兩營遊守千把兵制各仍其舊至康熙貳拾叁年
朝廷以四方廓清下議裁汰兩營各額兵伍百名

